

Årsmelding 2017

VÅGÅ FJELLSTYRE

Vågå fjellstyre forvaltar Langmorkje statsallmenning (884 km²) og Nordherad statsallmenning (24 km²).

Fjellstyret

Fjellstyret 2017: leder Ivar Vistekleiven (Ap), nestleder Ketil Gutubø (BL), Helny Svaet (Ap), Steinar Håkenstad (Sp) og Kjersti Aasvang Dalen (Sp).

Det har vore fire fjellstyremøte med behandling av til saman 37 saker, av desse 6 saker etter fullmakt.

Sakene fordeler seg slik på type og antal:

- Referatsaker	4 (102 refererte saker/dok.)
- Administrative saker, diverse val m.m.	3
- Søknader tilskot/utbetaling tilskot/økonomi	5
- Arealplanar og andre planar (høyring)	1
- Om hyttefeste/andre feste (uttale Statskog)	3
- Andre arealdisponeringar (uttale Statskog)	3
- Søknad beiteareal, tilleggsjord	1
- Setersaker (m.a. bygging på seter)	3
- Fiske	1
- Jakt/viltforvaltning	5
- Hundtrening/hundprøver	5
- Anna	3

Styremedlemmer har møtt på vegne av fjellstyret i ulike samanhengar, t.d. årsmøte for fjellstyra i Oppland. Ivar Vistekleiven er leder i AS Vågåfisk. Steinar Håkenstad er leder i styret for Vågå Sør viltområde.

Oppsynsordninga/sekretariatet

Sekretariatet for fjellstyret er det fast heilårstilsette fjelloppsynet, dvs. Knut Øyjordet (dagleg leder) og Erik Myrum. Vidar Rugsveen er tilsett som sesongarbeidar i 7 månader, i perioden ca.15. april – ca. 15. november.

Fjellstyret har også sekretær- og rekeskapsarbeidet for Finndalen fjellstyre, AS Vågåfisk, for Vågå Sør viltområde, kortsal og oppsyn med småviltjakta i ”Nordherad fellesområde”, og administrering av villreinvaldet ”Vågå fellesområde”. Fjellstyret har elles avtale med Statens Naturoppsyn om oppsyn og skjøtseloppgåver i Jotunheimen nasjonalpark og i Blessumkalvkvea skogreservat og Stuttgonglia naturreservat. Dette utgjorde ca. 24 dagsverk i 2017.

Sekretærarbeid og administrasjon tek ein stor del av tida til fjelloppsynet. Dette gjeld spesielt i vinterhalvåret. Oppsummering av arbeidstid samla for året, viser denne prosentfordelinga:

- Oppgåver som gjev grunnlag for refusjon 63,2 (dvs. oppsyn 8,7, skjøtsel 24,6, saksbehandling 5,8 og anna innarbeid 24,1).
- Andre oppgåver 8,6 (kortsal 3,1, rekneskap 5,5).
- Verna område 4,2.
- Finndalen fjellstyre 5,5.
- AS Vågåfisk 16,4.
- Andre tenester 2,1.

I oppsyn med jakt og fiske blir brukarkontakt vektlagt, der informasjon og tilbakemeldingar frå brukarane er viktig. Spørsmål om løysing av kort skjer for det meste ved stikkontrollar. M.a. vart 114 småviltjegerar og 71 fiskarar kontrollert. Ingen forhold vart meldt til politiet dette året. Eitt forhold vart oppgjort ”på stedet” (laushund).

Arbeidsmiljø, likestilling, ytre miljø m.m.

Som nemnd ovanfor, hadde fjellstyret i 2017 to heilårstilsette og ein fast tilsett i perioden ca. 15. april – ca. 15. november. Samla utgjer dette ca. 2,6 årsverk. Det har ikkje vore skader eller ulykker i løpet av året. Arbeidsmiljøet må seiast å vera tilfredsstillande. Ein kan ikkje sjå at verksemda tilfører forureining til det ytre miljøet. Vedrørande likestilling, blir den kvinnelege representasjonen i styret ivaretatt i kommunen si oppnemning av medlemmer til fjellstyret etter kvart kommuneval.

Fjellstyret har vedteke regelverk for helse, miljø og sikkerheit (HMS). Innhaldet i regelverket blir følgt opp og revidert når det er nødvendig. Som ei oppfølging av internkontrollsystemet, skal dagleg leder leggje fram ein rapport til fjellstyret innan 1. juli kvart år. Det vart kjøpt inn to nødpeilarar til bruk for fjelloppsynet.

Arealplanar, arealforvaltning og grunndisponering

Arealplanar/overordna planar

Fjellstyret har gjeve uttale/innspel til følgjande plan dette året:

- Kommuneplanens arealdel, 2. gongs høyring.

Diverse arealsaker

Av arealsaker kan nemnast:

- Søknad om oppføring av gjetarbu i Russdalen.
- Ein søknad om inngjerding av beite ved seter.
- Søknad om innløyning av Slomhaugen.
- Søknad om utviding av beiteområde – Leirungsdalen beitelag

Andre saker

Av andre saker kan nemnast:

- Delegasjonsreglement.
- Revidering av beitevedtektene.
- Nytt godtgjerslereglement for fjellstyret.
- Vidare opplegg for jakt på trekkelg.

Jordbruk

Seter, tilleggsjord og kulturbeite

Det var i 2017 registrert 11 enkeltsetrer i bruk med mjølkeproduksjon, to samdrifts-/ fellessetrer og ei fellesseter for geit i Griningsdalen.

Det vart sett i gang ei registrering av bruken av setrer og dyrkingsparsellar. Dette som ei oppfølging av seterregistreringa som vart gjort fyrst på 2000-talet. Det vart utsendt eit spørjeskjema til ein del brukarar, og det vart innhenta opplysningar frå landbrukskontoret.

Beite

I beitelaga Nordherad, Tessand, Fuglhøe, Hindflye, Russdalen, Besstrondfjellet, Leirungsdalen og Stuttgongkampen er det organisert ordning med gjeting. Fjellstyret gjev tilskot til ordninga etter følgjande retningslinjer:

”For organisert gjeting av sau i Langmorkje og Nordherad statsallmenningar, vil fjellstyret frå 2007 og inntil vidare gje 20 % av kostnadane i tilskot til beitelaga for utgifter til gjetar, med eit maksimalbeløp på kr. 15.000,- pr. lag. For Nordherad beitelag som også omfattar område med privat grunn, vil fjellstyret gje 10 % av kostnadene. Tilskotet vil bli utbetalt når rekneskapet frå beitelaga føreligg”. Tilskotet vart dette året på ca. kr. 59.084,-.

I Tessand beiteområde vart det sleppt 1.967 dyr (sau og lam), i området Fuglhø/Hindflye 766, Russdalen 1.648, på Besstrondfjellet/Leirungsdalen 922, og i området Stuttgongkampen/ Refjellet 1.669 dyr. Det var lite tap forårsaka av rovdyr denne sesongen.

Tabellen nedanfor viser talet på husdyr på beite i Sjudalen, Heimfjellet og Nordherad. Tala for Heimfjellet omfattar også areal utanom statsallmenning, dvs. alt areal sør for Otta elv. Tala for Nordherad omfattar heile arealet innan Vågå kommune mellom Vågåvatnet og Finna.

Område	Sau og lam	Mjølkeku/ ammeku	Anna storfe	Geit	Hest
Sjudalen	5.919	114	144	460	0
Heimfjellet	3.007	276	497	0	13
Nordherad	875	31	59	0	2

Elles leiger fjellstyret ut beite til Vågå Tamrein AS, og det vart inngått ei ny 10-års beiteavtale i 2014. I tillegg leiger Lom Tamreinlag området ved Fuglhøe i ti dagar før haustslaktinga.

Setervegar

Det er eige vegstyre for desse vegane: Heimfjellvegen, Tessosen – Aasvangsetra, Megardsåsen (ny frå 2015), Valdesetervegen, Slombvegen, Nysetervegen, Fuglesetervegen, Sjolivegen – Sallivegen og Griningsdalsvegen. Fjellstyret fordelte totalt kr. 200.000,- til vegstyra.

Jakt

Elg- og hjortejakta

Langmorkje statsallmenning er med i Vågå Sør viltområde, der Ottadalen-Skårsroe grunneigarlag, Sjørdalen viltlag, Strandens jaktforening, Storviksmorkje jaktforening og fjellstyret samarbeider i eit ”storvald” og med felles bestandsplan for forvaltning av elg, hjort og rådyr (samarbeid sidan 1993). Langmorkje er delt inn i åtte jaktfelt, og dette året var andre året på ny treårsavtaler. Fem av felta er tildelt innanbygds lag.

I Langmorkje vart det tildelt 46 elgar (inkl. 3 tilleggsdyr) og 8 hjortar, og felt 43 elgar og 3 hjortar. Statistikk frå 1990 viser at det ikkje er felt så mange elgar nokon gong. Totalt vart det felt 60 elgar og 34 hjortar i Vågå Sør viltområde. I Nordherad fellesområde der Nordherad statsallmenning er innlemma, vart det felt 3 elgar og 12 hjortar. Tabellen nedanfor viser tildelt elgkvoter og avskyting dei ti siste åra (i Langmorkje).

År	Kvote	Felt	Kalv hann	Kalv ho	1 ½ år hann	1 ½ år ho	Eldre hann	Eldre ho
2008	29	25	5	1	7	6	5	1
2009	30	24	3	2	6	3	6	4
2010	31	28	6	2	5	2	9	4
2011	33	32	2	5	9	4	6	6
2012	35	30	2	6	7	4	9	2
2013	38	36	10	2	7	7	7	3
2014	41	39	9	3	6	3	12	6
2015	42	42	6	7	3	9	11	6
2016	38	34	7	4	5	4	10	4
2017	46	43	7	9	6	6	9	6

Som eit tiltak i å få redusert beiteskader på furuskog, opna fjellstyret (frå 2011) for jakt på trekkelg i utvida jakttid. Det blir inngått ei avtale med jaktlaga i Rindhovda og Sjolie for jakt i Storskriulia og på Hovdasmoeane der hovudmengda av trekkelg kjem. Denne vinteren kom mengdene av trekkelg nokså langt uti januar, og det vart difor felt berre fire dyr.

Villreinjakta

Nordherad statsallmenning fekk tildelt 6 kort, og det vart felt 4 dyr. I Vågå fellesområde, som omfattar alle jaktfelta i Vågå, vart det felt 14 av 28 dyr og i Finndalen statsallmenning 35 av 70 dyr.

Rådyrjakta

Rådyrjakta i Langmorkje skjer i tre jaktfelt, og i 2017 vart det tildelt 48 kort (to av desse gavepremie). 30 av korta vart tildelt som bukkejakt med jakttid 10. august til 24. september og eventuelt fram til jul dersom dyret ikkje blir felt i bukkejakta. I Langmorkje vart det felt 14 dyr (6 dyr i 2011, 9 i 2012, 10 i 2013, 5 i 2014, 10 i 2015, 7 dyr i 2016). Tilbakemelding frå jegerane er at rådyrbestanden generelt er bra.

I Nordherad statsallmenning inngår rådyrjakta som ein del av samarbeidet om jakt i Nordherad fellesområde. Det er Nordherad grunneigarlag som administrerer elg-, hjorte- og rådyrjakta. Det vart seld 25 kort og felt 18 dyr.

Småviltjakta

Med grunnlag i taksering før jakta, jaktrapportar, direktekontakt med jegerar og observasjonar gjort av fjelloppsynet og andre, var bestandane av både fjellrype og lirype på middels nivå denne sesongen. Det vart vedteke ei kvote på 2 liryper/fjellryper pr. dag.

Kortsalet

Tabellane nedanfor syner utviklinga i talet på selde jaktkort siste 10 åra.

Innanbygds utan hund

År	1-døgn	3-døgn	Veke	Sesong	Samla
2008	26	3		44	73
2009	8	6		46	60
2010	10	2	3	47	62
2011	13	3	1	40	57
2012	18	2	1	20	41
2013	18	3	3	41	65
2014	11	4	1	47	63
2015	11	6	1	27	45
2016	12	3	2	37	54
2017	15	5	1	49	70

Utanbygds utan hund. Tala i parentes er talet på kort selde etter nyttår

År	1-døgn	3-døgn	Veke	Sesong	Samla
2008	448 (37)	375 (31)	79 (0)	82 (0)	983 (68)
2009	385 (45)	327 (27)	76 (6)	64 (0)	852 (78)
2010	409 (23)	293 (22)	61 (2)	56 (0)	819 (47)
2011	408 (27)	340 (26)	54 (3)	60 (1)	862 (57)
2012	399 (24)	207 (23)	38 (3)	57 (1)	701 (51)
2013	581 (24)	220 (16)	20 (2)	70 (0)	891 (42)
2014	702 (24)	240 (18)	45 (2)	85 (1)	1072 (45)
2015	772 (32)	152 (19)	51 (1)	84 (0)	1009 (52)
2016	596 (24)	251 (13)	38 (1)	93 (0)	978 (38)
2017	736 (48)	228 (11)	55 (5)	80 (0)	1099 (64)

Innanbygds med hund (gjeld både med fuglehund og harehund)

År	1-døgn	3-døgn	Veke	Sesong	Samla
2008	8	1	1	42	52
2009	6			32	38
2010	2	1		44	47
2011	3			51	54
2012	3			41	44
2013	5			40	45
2014	4			55	59
2015	4	1		46	51
2016	8	3	1	53	65
2017		2		49	51

Utanbygds med harehund

År	1-døgn	3-døgn	Veke	Periode	Samla
2008	5	24		29	58
2009	15	6		31	52
2010	2	5		32	39
2011	16	7		30	53
2012	7	7	14	18	46
2013	17	7	7	31	62
2014	13	3	13	19	48
2015	4	7	14	18	43
2016	5	2	10	14	31
2017	5	4	6	29	44

For Nordherad fellesområde (opprett i 2001), vart det samla seld 17 kort til utanbygds og 22 kort til innanbygds. I perioden 2002 – 2017 har salet variert frå 13 til 49 kort for utanbygds og frå 8 til 47 kort for innanbygds.

For rypejakt med hund for utanbygds er tilbodet 35 kort i tida 15.09 – 19.09 og 35 kort i tida 20.09 – 24.09, fordelt på tre jaktfelt og med tilbod om jakt i tre år ved fyrste gongs uttrekking. Det var i alt 130 søknader som omfattar 229 personar.

2001 var fyrste året med tilbod om gratis jaktkort (og fiskekort) til barn og ungdom i Vågå til og med fylte 19 år. Det vart løyst 3 slike jaktkort i 2017. I perioden 2001 – 2017 har talet variert frå 3 til 17 kort.

Jaktrapportar

Det er innkome 38 rapportar frå dei 70 utanbygds som jakta med fuglehund. Dei har i gjennomsnitt felt 1,9 ryper per jeger og jakta ca. 3 dagar kvar. Frå utanbygds utan hund er det innkome 794 rapportar, dvs. 72 %. Dei fleste av desse gjeld 1- og 3-døgnskort. Av 80 sesongkort er det innkome 57 rapportar. Desse har i gjennomsnitt jakta ca. 6 dagar kvar. Frå alle rapportane er det felt 322 fjellryper, 330 liryper, 26 orrfuglar, 13 storfuglar og 33 harar.

Frå innanbygds med kort utan hund, er det innlevert 28 rapportar, dei fleste var sesongkort (53 % svar frå dei med sesongkort), og blant dei som jakta med hund 36 rapportar (73 % blant dei med sesongkort). Det er eit generelt trekk at det er felt litt under middels med småvilt denne sesongen. Blant dei som har løyst sesongkort utan hund, har kvar av dei i gjennomsnitt jakta ca. 7,5 dagar og felt ca. 4,4 fjellryper/liryper. Ca. 17 % av jakta har skjedd etter nyttår. For dei med hund omfattar dei fleste rapportane jakt med fuglehund. Kvar av desse har i gjennomsnitt jakta ca. 14 dagar og felt ca. 4,8 liryper.

Alle 25 korta til utanbygds med harehund fyrste veka (11.-17. oktober) vart selde. Det er innkome 17 rapportar frå desse, og dei har felt totalt 18 harar og jakta i gjennomsnitt 5,5 dagar kvar. Frå utanbygds som har løyst kort etter den 18. oktober er det innkome 15 rapportar (34 %). Desse rapportane viser ei felling på totalt 20 harar. Generelt er inntrykket frå jegerane at det er litt over middels med hare.

Av andre artar er det felt følgjande i Langmorkje: 43 raudrev, 1 mår, 1 villmink, 1 røyskatt, 6 grevling, 15 kråke, 21 ravn, 4 skjære, 18 and. Dette er samla for alle jegerar, inkludert det som er innrapportert gjennom skotpremieordninga.

Trening av jakthundar

Frå 2009 vart tilbodet om trening av fuglehundar utvida frå området i Hoskelie (perioden 21.08-14.09) til også å gjelde i perioden februar-mars i heile Langmorkje statsallmenning, men med unntak av den delen av Jotunheimen nasjonalpark som ligg i Langmorkje. Tabellen nedanfor syner utviklinga i talet på selde treningskort (dvs. utanbygds med fuglehund).

År	1-døgn	Sesong	Samla
2008	113	13	126
2009	54	12	66
2010	113	12	125
2011	74	9	83
2012	63	12	75
2013	92	12	104
2014	110	18	128
2015	108	17	125
2016	99	35	134
2017	80	44	124

Blant innanbygds er det løyst 14 gratiskort for bruk av fuglehund (varierte mellom 8 og 19 kort dei siste ti åra), 5 kort for harehund (0 til 5 kort siste ti åra) og 23 dagskort for trening med elghund (17 til 25 kort siste ti åra).

Jaktprøver, terreng for trening/kurs

Det vart gjeve løyve til følgjande jaktprøver i 2017:

- Gudbrandsdal fuglehundklubb, klubbmesterskap 18. februar.
- Gudbrandsdal fuglehundklubb, jaktprøve 4. og 5. mars.
- Gudbrandsdal fuglehundklubb, jaktprøve 2. og 3. september (vart ikkje arrangert).
- Vestoppland harehundklubb, eliteprøve 21. og 22. oktober.
- Gudbrandsdal fuglehundklubb, klubbmesterskap 28. oktober.

Jotunfjell Fjordane elghundklubb har løyve (på bestemte vilkår) til å disponere Langmorkje statsallmenning for å arrangere jaktprøver, fersksporprøver og blodsporprøver. Dei disponerer også treningsfelt for elghund ei helg fyrst i treningsperioden, til miljøsamling for dei med unghund.

Fjellstyret vedtok frå 2015 å utvide tilbodet om trening av elghund for innanbygds etter at elgjakta er avslutta og fram til jul. Fordi det ennå kan foregå elgjakt, føreforholda kan variere osv, er val av område og tidsrom for slik trening delegert til dagleg leder. Aktuelle område er m.a. Turrhaugane – Svartlie, Grjothovdlie – Dravtjønnlie og Sallie. Det vart ikkje aktuelt med trening av elghundar etter jakta dette året fordi det kom bra med snø nokså tidleg, samt at jakta pågjekk i fleire felt utover hausten.

Viltstell

Fjellstyret laga to kråkefeller, som vart sett opp hausten i 2014. Den eine i området Mån, og den andre i Bøneslie. Ettersynet skjer i regi av fjelloppsynet, med bistand frå personar i jeger- og fiskarmiljøet. Fella i Bøneslie fanga ein del kråker og ravn fyrste året, men frå 2016 vart det mindre fangst (12 ravnar), og den var derfor ikkje i bruk i 2017. Fella på Mån fanga dårleg fyrste året, og den vart derfor ikkje ”opna” for fangst frå 2015.

Frå 2014 vart det innført eit eige kort for jakt på smårovvilt for heile kommunen. Dei aller fleste private grunneigarlag er med på ordninga, med gratis jaktkort (for innanbygds) for jakt/fangst på raudrev, mår, mink, røyskatt, grevling, kråke, ravn, skjære og nøtteskrike. Utanbygds betaler kr. 100,- for eit slikt kort. Det er skotpremie for enkelte av artane, med poengbørs og konkurranse om flest mogleg poeng i ei junior- og ei seniorklasse. Personar i Vågå JFF tek ansvar for registrering, medan fjellstyret tek ansvar for utsending/levering kort, administrere skotpremieopplegget, poengbørs og informasjon på heimesida.

Det var 40 innanbygds som løyste smårovviltkort (40 i 2016, 47 i 2015 og 57 i 2014) og 11 utanbygds. Rolv Magnus Hidemstrædet vann seniorklassa dette året, Asbjørn Øyen vart nr. 2 og Vidar Rugsveen nr. 3 (totalt 16 som har registrert felt smårovvilt). Emil Rugsveen vann juniorklassa, med Elise Ålstedt Løken som nr. 2 (berre to i juniorklassa). Totalt vart det felt og for Langmorkje i parentes: raudrev: 72 (43), mår: 1 (1), mink: 1 (1), røyskatt: 1 (1), grevling: 7 (6), kråke: 18 (11), ravn: 21 (21), skjære: 11 (4) og nøtteskrike: 0 (0). Det vart utbetalt totalt kr. 30.300,- i skotpremie, av dette kr. 18.350,- frå fjellstyret.

I samband med prosjektet sette fjellstyret opp ein ”røvs-glugg” ved Storvikssetra. Det vart inngått ei avtale med eigaren av setra om bruk av strøm. Gluggen vart populær, særleg i starten, og det vart felt fire revar både fyrste og andre året. I 2017 vart det felt to revar her.

Generelt om faunaen elles

I bestandsregistreringa av jerv (oppdrag for Miljødirektoratet/SNO), vart det registrert spor etter jerv i Sjudalsområdet. Det var ikkje mistanke om yngling av jerv innafor Langmorkje statsallmenning denne vinteren. Det var ikkje registrert hekking av jaktfalk dette året, men kongeørn blir jamleg observert. Smågnagarbestanden er på tur opp att, særleg i Sjudalsområdet, og det vart også registrert lemen opp mot Valdresflya. Dei vanlege rovfuglartane og uglearane som hekkar i år med smågnagarar, vart observert, som t.d. fjellvåk. Det vart også denne vinteren observert spor etter oter langs Sjoa.

Fiske

Som vanleg varierte fiskebettet og fangstane også dette året. På Gjende vart det ein ”nedtur” i forhold til året før, da det var eit ”eventyrleg” fiske, spesielt med oter. Ein kald sommar var nok årsaka til det dårlege fisket på Gjende denne sommaren. På Lemonsjøen var fiske nokså bra, både med bruk av dorg, oter og garn. Elles er det mykje fin og stor fisk på fleire av dei større vatna, som Øvre og Nedre Sjudalsvatnet, Bessvatnet, Lemonsjøen og Flatningen.

Fiskereglar

Det vart ikkje gjort noko endring i fiskereglane før denne sesongen.

Kortsalet

Tabellane nedanfor syner talet på selde fiskekort dei siste 10 åra.

Innanbygds (stong, oter og faststående reiskap)

År	1-døgn	3-døgn	Veke	Sesong	Familie	Gratis kort	Samla
2008	17	9	6	219	116	22	389
2009	23	9	6	200	147	26	411
2010	24	15	6	181	123	20	369
2011	24	9	4	171	138	14	360
2012	59	13	8	197	133	22	432
2013	40	17	5	171	134	20	387
2014	65	13	8	171	144	18	419
2015	40	6	7	157	155	22	387
2016	32	10	6	119	146	7	320
2017	37	6	7	109	153	14	326

Gratis kortet gjeld barn og ungdom i Vågå under 20 år. Familiekort gjeld samla for 1-døgn/3-døgn/vekes- og sesongkort. Frå 2012 er det familiekort berre for sesongkort.

Stongfiske

År	1-døgn	3-døgn	Veke	Sesong	Familie	Samla
2008	1045	448	132	241	315	2181
2009	1243	340	114	269	343	2309
2010	1058	269	101	247	319	1994
2011	1101	283	90	266	286	2026
2012	1133	287	102	214	318	2054
2013	1140	270	82	212	330	2034
2014	992	241	82	211	267	1793
2015	910	201	85	172	281	1649
2016	1176	261	83	156	322	1998
2017	1045	244	95	150	328	1862

Tala for stongfiske omfattar også innanbygds som løyser berre stongkort. "Familie" gjeld samla for 1-døgnskort, 3-døgnskort, vekeskort og sesongkort.

Stong-/oter-/garnfiske utanbygds (garnfiske innført frå 2009)

År	1-døgn	3-døgn	Veke	Sesong	Familie	Samla
2008	33	37	12	59	17	158
2009	23	31	5	41	44	144
2010	29	8	6	32	26	101
2011	12	11	1	20	16	60
2012	42	30	14	50	27	163
2013	36	15	9	46	32	138
2014	36	27	6	50	38	157
2015	51	28	14	95	33	221
2016	53	25	12	93	48	231
2017	55	39	21	97	52	238

"Familie" gjeld samla for 1-døgnskort, 3-døgnskort, vekeskort og sesongkort. Frå 2012 er det familiekort berre for sesongkort.

Prøvefiske

Det vart gjennomført eit ”enkelt” prøvefiske på Surtningen, Slomtjønn, Birisjøen, Øvre Birisjøtjønn og Griningsdalsvatnet, dvs fiske med prøveseriar utan at det vart tatt prøver av fisken.

Utsettingar/fiskestell

Det vart sett ut fisk i følgjande vatn:

Lemonsjøen	5.000 (2-årig)
Flatningen	2.000 (2-årig)
Hellartjønn	50 (2-årig)
Heimsandtjønn	100 (2-årig)
Bessvatnet	1.000 (2-årig/2-somrig)
Danntjønn	100 (2-årig)
Butjønn	100 (2-årig)
Hosketjønn	300 (2-årig)

Dei siste åra har fangst av goløye med ruser skjedd på Nedre Leirungen (med hjelp av Jon Jeilen) og på Surtningen. Frå 2015 vart det også starta opp att på Melingen (hjelp av Vegard Veierød, og Vidar Kleiven i tillegg frå 2017). Tabellen viser fangst i liter frå 1996, og med talet på ruser i parentes.

VATN	1996	1997	1998	1999	2000	2001	2002	2003	2004
Surtningen	187 (10)	148 (15)	77 (15)	66 (13)	95 (15)	85 (15)	42 (15)	84 (15)	53 (10)
Skytningen	58 (4)	86 (6)	27 (3)	38 (3)	34 (3)	24 (5)	16 (4)	20 (5)	7 (4)
Kvitingen	74 (12)								
Flatningen		720 (21)	284 (20)	163 (20)	243 (20)	126 (22)	99 (15)	187 (25)	68 (8)
Frøyna		57 (2)							
Melingen			70 (3)	10 (3)					349 (20)
Lemonsjøen			18 (5)	40 (5)					
N. Leirungen	260 (14)	217 (14)	139 (12)	196 (12)	105 (12)	78 (12)	72 (8)		96 (10)
Sum	579 (40)	1228 (58)	615 (58)	513 (58)	477 (50)	313 (54)	229 (42)	291 (45)	573 (52)

VATN	2005	2006	2007	2008	2009	2010	2011	2012	2013
Surtningen	49 (10)	53 (10)	70 (10)	44 (10)	52 (10)	61 (10)	32 (10)	44 (10)	35 (10)
Melingen	181 (20)	98 (10)	73 (11)	84 (18)	35 (5)				
Birisjøen		90 (10)	49 (8)						
N. Leirungen	63 (8)	59 (8)	63 (10)	76 (10)	65 (10)	50 (10)	52 (9)	52 (10)	58 (10)
Sum	293 (38)	300 (38)	255 (39)	204 (38)	152 (25)	111 (20)	84 (19)	96 (20)	93 (20)

VATN	2014	2015	2016	2017					
Surtningen	73 (10)	47 (10)	45 (10)	51 (10)					
N. Leirungen	63 (8)	42 (8)	60 (8)	49 (10)					
Melingen		96 (10)	181 (10)	187 (20)					
Sum	136 (18)	185 (28)	286 (28)	287 (40)					

Det vart ikkje gjennomført noko utfisking i ”overbefolka” vatn denne sommaren.

Stamfiske

Det vart stamfiske fire netter på Lemonsjøen (ca. 9 liter rogn) og to netter på Gjendeosen (ca. 2 liter rogn). I tillegg er det lagt inn 8 liter av Vinsternstamme i fiskeanlegget.

Andre tiltak

Tabellen nedanfor viser oversikt over utleige av båtar til utanbygds (1-døgn) og utlån av båtar til innanbygds i 2017 (1-døgn), samt totalt døgnleige/utlån dei siste fem åra.

I 2017 vart det i tillegg seld to sesongkort til utanbygds. Samla nytta desse to båten på Slomtjønn i seks døgn, Birisjøen i ti døgn, Griningsdalsvatnet i eitt døgn og båten på Nedre Leirungen i eitt døgn.

Vatn	Innanb.	Utanb.	2017	2016	2015	2014	2013
Veslvatnet	11	13	24	20	20	6	16
Kvitingen	4	4	8	6	13	4	6
Surtningen	5	17	22	4	13	10	6
Melingen	3	9	12	2	0	0	2
Slomtjønn	10	23	33	33	41	33	41
Birisjøen	4	5	9	23	27	8	6
N. Birisjøtjønn	1	2	3	3	7	0	0
Griningsdalsvatn	15	4	19	26	14	9	8
Brurskarstjønn	0	2	2	7	3	6	5
Øvre Leirungen	0	4	4	2	6	5	7
Nedre Leirungen	8	10	18	17	13	15	5

Fjellstyrehyttene

Tabellen viser oversikt over talet på utleigedøgn for dei ulike fjellstyrehyttene sidan 2008. Frå 2015 skjedde sal av overnatting for gjetarhytta ved Nedre Leirungen, Vargebue og Forsthytta ved bruk av Inatur.

	2009	2010	2011	2012	2013	2014	2015	2016	2017
Bessvassbue	38	37	4	35	26	31	42	47	45
Gjendeosbue	32	39	45	48	54	63	31	48	34
Vågåbue	51	56	53	56	51	59	59	54	34
Hytte N.Leirungen	10	9	12	13	4	7	23	55	12
Vargebue	50	32	35	38	35	38	94	128	112
Forsthytta						8	77	100	105

Elles vedtok fjellstyret at gjetarhytta ved Nedre Leirungen skal restaurerast i 2018. Ulike byggjefirma vart inviterte til ei anbudsrunde. Det kom inn to anbod, der Trehuseksperten hadde det lågaste, og fekk dermed oppdraget.

Rekneskap

I 2017 var inntektene på kr. 4.025.171 og utgiftene på kr. 3.551.118. Dette gjev eit overskot på kr. 474.053. Detaljar om rekneskapen og økonomien elles i fjellkassa går fram av rekneskapet. Tabellane nedanfor gjev ei oversikt over viktige rekneskapstal siste åra. Årsoppgjeret er avlagt under føresetnad om vidare drift av fjellstyret si verksemd. Styret stadfestar at føresetnad framleis er til stades.

Oversikt over dei største inntektene 2011 – 2017, i 1000 kr

	2011	2012	2013	2014	2015	2016	2017
Fiskekort	415	491	448	435	426	537	545
Småviltjakt	356	369	387	459	468	523	564
Storviltjakt	355	377	405	459	507	436	475
Festeavgift	802	753	792	814	920	925	1.026
Refusjon oppsyn	336	337	352	366	359	363	362
Beiteleige	161	187	181	224	236	257	282
Oppsyn/tilsyn verna område	92	92	92	92	100	90	100
Sal av andre tenester	348	346	493	475	430	468	399
Utleige hytter	30	44	39	50	108	136	135
Renteinntekter	119	138	165	148	105	66	51

Oversikt over dei største utgiftene 2011 – 2017, i 1000 kr

	2011	2012	2013	2014	2015	2016	2017
Samla kostnad tilsette	1.462	1.750	1.845	2.059	1.821	1.963	2.025
Godtgjersle fjellstyret	33	59	55	49	38	60	62
Kontorhald, forsikring mm.	352	364	363	406	307	385	378
Settefisk	122	175	141	175	110	188	142
Provisjon kortseljarar	103	109	111	118	125	150	156
Tilskot næringsformål	378	448	350	426	387	317	340
Tilskot allmennyttige formål	12	94	22	35	58	80	64

Rekneskapstal frå dei siste ti åra

År	Inntekter	Utgifter	Over/underskot	Eigenkapital
2008	2.960.664	2.474.759	485.905	6.034.475
2009	3.036.350	2.546.444	489.906	6.524.379
2010	2.887.640	2.533.793	353.847	6.878.227
2011	3.182.345	2.713.981	468.364	7.346.592
2012	3.455.710	3.486.090	- 30.380	7.316.212
2013	3.714.405	3.219.018	495.387	7.811.598
2014	3.672.188	3.803.852	- 131.664	7.688.499
2015	3.861.223	3.410.387	450.836	8.156.936
2016	3.921.418	3.542.793	378.623	8.538.002
2017	4.025.171	3.551.118	474.053	9.012.053

Eigenkapital omfattar anleggsmidlar og omløpsmidlar minus gjeld.

Av tilskot til næringstiltak gav fjellstyret:

- kr. 200.000,- til vegstyra, vedlikehald vegar.
- kr. 59.084,- til beitelaga, gjeting.
- kr. 70.000,- til Vågåfjell turløyper, skiløypepreparering og rydding av løyper.
- kr. 3.000,- til Odd Ymbjørgøyen, brøyting vegen i Bøneslie til Flatningen.

Av tilskot til allmennyttige tiltak gav fjellstyret:

- kr. 7.500,- til Heidalskogen skianlegg, skiløypepreparering i omr. Melingen-Bøneslia.
- kr. 20.000,- til Vågå kommune, prosjekt rydding av skog/kratt langs Øvre Sjudalsvatnet.
- kr. 12.500,- til Randsverk grendelag, ny brannvakthytte på Rindhovda.
- kr. 10.340,- til Vågå kommune, transport besøk 7. klasse i fiskeanlegget (vår og haust).
- kr. 13.750,- til Jegerprøvekurset, kostnad kurs for ungdom i Vågå under 20 år.

Vågå fjellstyre, mars 2018

Ivar Vistekleiven
leder

Ketil Gutubø
nestleder

Helny Svaet
medlem

Kjersti Aasvang Dalen
medlem

Steinar Håkenstad
medlem

Knut Øyjordet
dagleg leder